

**Σε W'anyi Μεε?**



## Kratafã a edikan

- *Nwankuo no: εωϞ Yohane 10:16, yen Awurade Yesu Kristo ka se: Na mewϞ nguan foforo a womfi ban yi mu; wϞn nso na etwa se mede wϞn meba, na wobetie me nne, na aye kuw biako ne Ϟhwεfo biako.  
Yen Awurade Yesu Kristo pe se Ϟde wo nso ka ne nwankuo no ho bi. Na eye no ahosepe se Ϟbeyε wo nso dwanhwεfopa.*
- *Ebo: εbo yi ye ahyensodeε a εgyina hϞ ma adwen ntanta a εbinom wϞ εωϞ Ϟfre a Kristo afre yen no ho. eye nkatanim a ekata nokware nkyerεkyere no anim, ne ahotϞsoϞ a ayera afiri yen asetena mu.*
- *Awia: awia no nso ye ahyensodeε a εgyina hϞ ma nokware hann a Ϟhu no OnyankopϞn asem mu. Yen Awurade Yesu Kristo nkotoo ne wiase hann. εωϞ ne hann no mu, yen nso yehunu hann.*

WϞ saa nfonyin a wohu yi no mu no, hann no reyi εbo a ene nkatanim no afri hϞ. εbeyε yen anigyεε bebreε se, nne nokware hann a ene Twere kronkron (Bible) no beyi wo nkatanim a amma w'adwenem aye wo keserenee, na amma wo nteaseε wϞ nokware Asempa no ho.

Eye yen mpaebϞ ne yen anidasoϞ se saa Twere Kronkron adesua a wato ne din se 'Se wϞannyi me nso me biε?' yi beboa wo, wϞ saa adesua akwantuo yi mu. Amen!

## Se w' anyi mee?

---

Ebia saa asembisa yi kyere w'adwen. Wope se wo beye Onyankopon ba, nanso ebia na wonnim se yei betumi aye wo nso wo kyefa. Ebia na w'dwene mpo ye se se' wannyi wo nso bi dea, enee na ehoo nhia mpo se wo bebɔ mpae asre wo bɔfoɔ no. Anaase wo dwene mpo se: 'Mepɛ se nka me sakyera m'adwene, nanso Onyankopon pene so saa anaa?' ebia na worehwehwe ahotɔsoɔ bi, nanso woda so ara gye akynnye wɔ wo mu, na afei mpo deɛ, wo suro se woredaadaa wo ho akɔ daa osɛe mu. Ebia wo nso wo suro mpo se worennya ɔgyee de kosi daa awieɛ, efiri se seisei a mere kasa yi no, wo nka wɔn a wɔayi wɔn no ho, anaa nso se ebia na wo gyedie ne se; gye se wotwen ma Onyankopon no ankasa besakyera wo ansa. Daabi, nte saa, Nyankopon mma wo nkyen se ɔreba abe sakyera wo wɔ abere a wonnyee w'adwene se wo besakyera.

## Edeɛn na Twere no ka fa adwensakyera ho pɛtee?

---

Twere a edidi soɔ yi erekyere ɔkwan a Onyankopon renam so refre onipa aba adwenesakyera mu (se wɔn ani beba wɔn ho so, na afei w'adane afiri wɔn bɔne ho).

- *2 Beresosem 7:14 Na se me man a wɔabɔ me din wɔ wɔn so no bre wɔn ho ase na wɔabɔ mpae na wɔhwehwe m'anim na wɔsan fi wɔn kwammɔne no so a, me nso mefi soro matie na mede wɔn bɔne mafiri na masa wɔn asase no yare.*
- *2 Beresosem 30:9b na ɔdomfoɔ ne mmɔborohunufɔ ne Awurade mo Nyankopon, na se mosan ba ne nkyen a, ɔrenyi n'ani mfi mo so.*
- *Yesaia 44:22 Mapopa wo mmarato se. Omununkum, ne wo bɔne se suwusiw. San bra me nkyen, na magye wo.*
- *Yesaia 45:22 Monnan mo ho mmra me nkyen na wonnye mo nkwa, mo asase ano nyinaa. Na mene Nyankopon, na obi nni ho bio.*
- *Yesaia 55:6,7 Mɔnhwehwe Awurade, bere a ɔma wohu no no, mɔmfre no bere a ɔben no. Ma ɔbɔne nnyaw ne kwan na onipa huhuw mpa n'adwene, na ɔnsan mmra Awurade nkyen, na ne yam behyehye no ama no, ne yen Nyankopon no nkyen, na ne firi a ɔde befiri dɔɔso.*
- *Yeremia 36:3 Ebia Yuda fi betie bɔne a mabɔ me tirim se meye wɔn no nyinaa, na wɔasan afi wɔn akwammɔne so, na mede wɔn amumɔye ne wɔn bɔne mafiri wɔn.*
- *Hesekiel 18:21-22 Na ɔbɔnefo nso, se ɔsan fi ne bɔne a waye nyinaa mu, na odi m'ahyede nyinaa so ye atemmude ne atreeneɛ a, nkwa na obenya, ɔrenwu. Ne mmarato ade a ɔyeɛ nyinaa, wɔrenkae mma no bio; ne trenee a waye no mu na obenya nkwa.*
- *Hesekiel 18:23 So ɔpe na mepɛ ɔbɔnefo wu? Awurade Nyankopon asem ni; so enyɛ se ɔsan fi ne kwan so na onya nkwa na mepɛ?*

- Hesekiel 18:30b Monsan na monnan mo ho mfi mo mmratode nyinaa mu, na mmusu anye hintidua amma mo.
- Hesekiel 18:32 Na minnya nea ɔrewu no wu ho anigye, Awurade Nyankopɔn asem ni; enti monsana, na mummenya nkwa.
- Hesekiel 33:11 Ka kyere wɔn se: Se mete ase yi, Awurade Nyankopɔn asem ni, ampa ara, ɔbɔnefo wu nyɛ me fe, na mmon se ɔbɔnefo besan afi ne kwan so na wanya nkwa. Mɔnsan, mɔnsan mfi mo akwammɔne so! Eden nti na morewuwu yi, Israel fi?
- Hosea 14:2 Momfa nsem nkura nsan mmra Awurade nkyen; monka nkyere no se: Fa amumɔye nyinaa firi, nagye papa, na yemfa yen ano nye anantwinini mmebo afɔre.
- Yoel 2:13 Munsunsuane mo koma, na enye mo ntade mu, na monsan mmra Awurade mo Nyankopɔn nkyen, na ɔye ɔdomfo ne mmɔborohunufu, ne bo kye fuw, na n'adɔe sɔ, na onu ne hu adebɔne ho.
- Sakaria 1:3 Na ka kyere wɔn se: Se asafo Awurade se ni: Monsan mmra me nkyen, asafo Awurade asem ni, na mesan maba mo nkyen, asafo Awurade na ose.
- Sakaria 1:4b Se asafo Awurade se ni: Monsan mfi mo akwanmmɔne ne mo nsennii bɔne no so, nanso wɔante, na me nso, wɔantie me, Awurade asem ni.
- Mateo 3:2 "Monsakra mo su; momfa mo ho mma Onyankopɔn, na ɔsoro ahenni no aben."
- Mateo 4:17 Efi saa bere no, Yesu fii n'asenska ase se, "Monsakra mo su, momfa mo ho mma Onyankopɔn, na ɔsoro ahenni no aben."
- Marko 1:15 Efi saa bere no, Yesu fii n'asenska ase se, "Monsakra mo su, momfa mo ho mma Onyankopɔn, na ɔsoro ahenni no aben."
- Luka 15:7 "Saa ara nso na se ɔdeɔneyeɔfo baako sakra n'adwene a, ɔsorofo nyinaa ani gye sen se atreneeɔfo aduɔkron akron wɔ ho a adwensakra ho nhia wɔn no'.
- Asomafoɔ no nnwuma 2:38 Petro ka kyere wɔn se, "Monsakra mo adwene na momma wɔmmɔ mo asu wɔ Yesu Kristo din mu senea ebeye a wɔde mo bɔne befiri mo na moanya Onyankopɔn akyede a eye Honhom Kronkron no.
- Asomafoɔ no nnwuma 3:19 Monsakra mo adwene na momfa mo ho mma Onyankopɔn na ɔde mo bɔne afiri mo.
- Asomafoɔ no nnwuma 17:30 Onyankopɔn buu n'ani guu bere a na nnipa nnim no no so, nanso afei de, ɔhye nnipa nyinaa se wɔntwe wɔn ho mfi akwammɔne so.

## Saa asemfua “Sakyera w’adwen” yi, aseε ne sen?

---

Se yεka se obi resakyera n’adwene a na εne se: saa onipa koro no anya nnuhoo trodoo a akyinnyee biara nni ho, wo ne bεne ho (oyi ye Onyankopɔn kwan so awerehoɔ anaa nnuhoo, 2 Korintofoɔ 7:10. Na εno akyiri no wɔresesa afri ne bεne ho, na wɔrepae mu aka ne bεne nyinaa, na afei wɔresan aba Onyankopɔn nkyen bio, sedee ɔba desεefoɔ no yee no.

- *Luka 15:18-21 Mesɔre makɔ m’agya nkyen na maka makyerε no se, ‘Agya, maye ɔsoro ne wo bεne, na memfata se wɔfrε me wo ba bio; fa me ye w’apaafo no mu baako. “Osiim se ɔresan aba n’agya nkyen. ɔnam kwan so akyirikyiri reba no, n’agya no huu no, enti ɔde ayamhyehye yee ntem kohyiaa no, bam no, yee no atuu. “Aberante yi ka kyerεε n’agya no se, ‘Agya, maye ɔsoro ne wo bεne, na memfata se wɔfrε me wo ba bio.’*

Deε edi kan koraa ne se ɔba desεefoɔ no nyaa nsesaεε bi wo ne mu wo ɔkwan a na ɔfa so dwene (Luka 15:17). Afei ɔnyaa adwensakyera. Na yie akyiri no, ɔbɔɔ ne tirim se ɔbesan ako n’agya nkyen na w’akɔpae mu aka ne bεne akyerε no (Luka 15:18-20a). Mmereε a ɔsan kɔɔ fie no, ɔfiri akyirikyiri reba no, n’agya hunuu no, na ɔde ayamhyehyee tutuu mmirika kɔhyia ne ba no (Luka 15:20). Na n’agya de ne bεne nyinaa kyerεε no na ɔsan yee no foforo koraa (Luka 15:21-24).

Wo nso wo betumi afa saa ɔkwan yi so aba Onyankopɔn nkyen, na afei w’apae mu aka wo bεne. Onyankopɔn ɔɔ a ɔwo de ma yen no sɔ, εno nti ɔde ne ba koro a ɔɔ no mae, efiri se ɔmpε se obiara beyera (2 Petro 3:9). ɔpε se ɔhunu wo mmɔbɔ na afei koraa ɔde wo bεne nyinaa kye wo. Twereε no se: se ɔdebɔneyeni baako sakyera n’dwene firi ne bεne ho, ɔsoro nyinaa ani gye (Luka 15:7, 10).

- *Yesaia 30:18a Na enti Awurade twen ansa na wadom mo, na εno nti na ɔma ne ho so ansa na wahu mo mmɔbɔ.*

## Nanso me ankasa menni ahɔɔden a mede besakyera m’adwene, anaase mewɔ saa ahɔɔden no anaa?

---

εbia seisei ara wordwene se, “**menni ahɔɔden a mede besakyera m’adwene; na mmom adwensakyera ye adeε a εtwa se Onyankopɔn ankasa ne ɔde mma**”, nanso adesua yi remma wo ahunu se bere biara a Onyankopɔn se wo se sakyera w’adwene no, saa bere no ara mu no, ɔbeboa wo ama wo tumi ama w’atumi ayo deε wo ankasa w’ahɔɔden ntumi nye no. Seisei ara Onyankopɔn pε se ɔmma wo deε wo behia biara, n’aboa wo de wo ako adwensakyera mu.

- *Yohane 5:8, 9b Yesu ka kyerεε no se, “Sɔre! Bobɔw wo ketε na kɔ fie.” Amonom ho ara ɔbarima no ho yee no den; ɔbobɔw ne ketε, fitii ase nantewee.*

Nā saa ɔbarimma yi ayare mmfirinhyia aduasa nnwɔtwe. Na ɔno ankasa nni ahooɔden biara a ɔde besɔre anante mpo, nanso mmere a Yesu ka Kyerɛɛ no sɛ ɔnsɔre na ɔnante no, Yesu anum asem no maa no ahooɔden a ɔbetumi de anante.

- *Marko 3:5 Ɔde abufuw hwɛɛ wɔn hyiaɛ. Ehaw no sɛ wonni ahummɔɔɔ ma nnipa enti ɔka kyereɛ ɔbarima no sɛ, “Tene wo nsa no mu.” Ɔteneemu, na amonom ho ara, ne nsa no yɛɛ yie.*

Saa ɔbarima yi nso, sɛ wofa no nnipa fam mu mpo a, na ɔntumi ntene ne nsa mpo, nanso enam sɛ Yesu see no sɛ ɔnnante nti, ɔtumi nyaa ahooɔden de nantee; Yesu na ɔmaa no nyaa saa ahooɔden no.

Yɛn Awurade Yesu Krsito de ne ho maa sɛ afɔdeɛ. Ɔwui maa wo bɔne. Deɛ ɔsakyera n’adwene na ɔde ne werɛ hyɛ ne mu no, Awurade Yesu bɛhunu no mmɔɔɔ. Wo nso wo betumi anya saa adom yi wɔ abere a woretene wo nsa wɔ gyedie kwan so, agye saa adom anaasa ahooɔden a wɔde kɔ adwensakyera ne nkwagyɛɛ mu.

- *Yohane 11:43,44a Na ɔkaa saa no, ɔde nne kese teɛɛm sɛ: Lasaro, fi bra! Naa nea w’awu no fii adi.*

Onipa a w’awu mpo tumi yɛ deɛ Yesu sɛ ɔnyɔ a. O alleluyah!

Sɛ saa bere a merekasa yi, woda so yɛ owufoɔ wɔ honhom mu a, Onyankopɔn rehwehwe sɛ wo besakyera w’adwene, na w’agye no adi, na afei wode w’abrabo nyinaa ahyɛ ne nsam (Yohane 5:25). Na eno mu na wo betumi afa Yesu Kristo so anya nkwa bio wɔ Onyankopon mu (Romafoo 6:11). Na afei worenntena ase mma wo ho bio, na mmom wo bɛhyɛ aseɛ atena ase ama Kristo (2 Korintofoo 5:15, 1Peter 4:2). Alleluyah!

## **Nanso nti Onyankopɔn no ankasa ntumi nsakyera me anaa?**

---

Ebinom gyedie ne sɛ Onyankopɔn adikan ayi ebinom ato ho dada sɛ wɔn na wɔ bɛnya nkwagyɛɛ firi wiase mfitiaseɛ, na wɔn a aka no deɛ wɔnni ho kwan sɛ ɔbɛnya nkwagyɛɛ mpo. Saa gyedie yi tumi ma wɔn a wɔ dwene saa no akoma sɛɛ koraa, na afei mpo deɛ woka ne sɛ (“biribiara nni ho a me ara metumi ayɛ afa me nkwagyɛɛ ho, ne nyinaa wɔ Onyankopɔn ho, sɛ Onyankopɔn no ara pɛ a, ɔnoara bɛgye me”), anaase ahometɛɛ ne ɛhu bɔ saa nkurɔfoɔ no, na wɔka sɛ (sɛ Onyankopɔn no ara se ɔnnye me a, ennee merennya nkwagyɛɛ da, mfa hoo ne mpaɛɛ dodoɔ a mɛbɔ”; “sɛ Onyankopɔn nnyii me dea, ennee mɛko ɔbonsam gyam). Oyi yɛ nnaadaa a ɛfiri ɔbonsam nkyɛn. Onyankopɔn nkaa da sɛ gye sɛ wo twɛn ara kosi sɛ Nyankopɔn no ara bɛyɛ biribi de asakyera wo; Onyankopɔn reto ne nsa afɛ wo sɛ hwehwe nkwagyɛɛ akyiri kwan.

Sɛ yɛka sɛ sakyera w’adwene a; ɛyɛ adeɛ a ɛtwa sɛ wo ankasa wohwehwe akyiri kwan (na honhom kronkron nso abɛboa wo).

Awofoforo: oyi ye dwumadie a Onyankopɔn no ara na ɔdi wo wo mu, wei ye adwensakeyera akyi adwuma. Oyi deɛ w'ankasa wonntumi nnyɔ.

Awofoforo ye nkanyan ne akoma foforo a Onyankopɔn de ma obiara a w'asakyera n'adwene.

- *Hesekiel 36:26 na mema mo koma foforo, na mede honhom foforo mahye mo mu, na meyi ɔbo koma no afi mo honam mu, na mama mo ɔhonam koma.*
- *Yohane 1:12,13 Na wɔn a wogyee no, na wogyee ne din dii no, ɔmaa wɔn tumi ma wɔbeyee Onyankopɔn mma, wɔ honhom fam a emfi onipa anaa ɔhonam fam, na mmom efi Onyankopɔn ankasa.*
- *Efesoforo 2:1 Kan no, esiane mo asoɔden ne mo bɔne nti, na moawuwu wɔ honhom mu.*
- *2 Korintofoɔ 5:17 Se wɔka obi ne Kristo bom a, na ɔye onipa foforo na onipa dedaw no kɔ ama onipa foforo aba.*
- *1 Petro 1:23 Efise, enam Onyankopɔn asem a etim hɔ daa no so ama wɔawo mo bio se mma a wɔn awofo nwu da na wɔte hɔ daapem.*

## **Nanso se eye me ara na ese se mehwehwe adwensakyera akhiri akwan a, nti Onyankopɔn nso ntumi nfiri saa anammɔntuo yi ase mma me anaa?**

---

Aane. Onyankopɔn na ɔhye saa anammɔntuo yi ase, nanso eyi nnyi wo kyefa a ewɔ saa anammɔntuo yi mu mfiri hɔ. Deɛ edi kan koraa ne se, Onyankopɔn no ankasa yɔ yen akoma mu adwuma de ne ɔɔ twe yen ba ne nkyen (Hosea 11:4 ne Yerima 31:3b). Saa “ɔtwee” a Onyankopɔn de twe nnipa fam ne ho no ye ɔkwan a honhom kronkron firi aseɛ yɔ no wɔ yen mu; na enam saa yɔ so ma yen ani ba yen ho so wɔ yen bɔne ho, ene adwene nsusue a etwa se ye susu na afei ye ba Onyankopɔn nkyen (Yohane 16:8). Honhom kronkron no boa yen ma yen sakyera y'adwene. Na eye Onyankopɔn na ɔyɔ adwuma yen mu wɔ deɛ yere na yeyɔ nyinaa mu sedee ebese n'ani. Nanso Onyankopɔn dwumadie a ɔdi no wɔ yen mu no mpepa yen kyefa a yewɔ yɔ wɔ yen ankasa yen nkwagyee ho, na afei aboa yen ama y'atumi adane aba ne nkyen bio. Twere no se momfa suro ne ahopopoɔ nye mo ara mo nkwagyee ho adwuma nwie (Filipifoɔ 2:12b, 13).

- *Yohane 6:44,45 Mommma ennye mo nwonwa se maka saa, na obiara nni hɔ a obetumi aba me nkyen, gye se Agya no a ɔsoma me no twe no ba me ho na da a edi akhiri no, menyan no. Adiyifo no kyerewe se, 'Onyankopɔn ankasa bekyerekyere ne mma.' Eno nti, obiara a otie Agya no nkyerekyere no ba me nkyen.*

Onyankopɔn gyina yen akoma pono akiri rebo mu; ewɔ se yebue y'akoma pono ma Onyankopɔn na afei ɔbetena mu koraa.

- *Adiyisem 3:20 Hwe, mabegyina ɔpon anon a mehom; se obi betie me nne na wahie ɔpon no a, mehylene mu maba ne nkyen, na me ne no abedidi, na ɔne me nso adidi.*

## **Sé worennya nkwayee ye adom mmorosoo a efiri Onyankopon nkyen (eye adom cha mu nkyekyemu cha), ene wo nso wo kyefa a wannahwane so baako koraa mpo (cha mu nkyekyemu cha)**

---

Wope se wogyee Awurade di na afei wodi n'akyi anaa? Wope se wo som Onyankopon na afei woye setie ma n'asem anaa? Se worennya nkwayee no ye se Onyankopon remma wo n'adom cha mu nkyekyemu cha, ena afei wo ara wo nso rede wo kyefa cha mu nkyekyemu cha reka ho. Eye Nyankopon adom nyinaa, na wo nso wo kyefa nyinaa, aka ho.

- *Deuteronomium 30:19 Enne mefre osoro ne asase midi mo adanse se: Mede nkwa ne owu, nhyira ne nnome masi mo anim; enti fa nkwa, na wo ne w'asefo nnya nkwa.*
- *Yosua 24:15 Na se enye mo pe se mobesom Awurade a, ende enne mompaw nea mobesom no mfa: se anyame a mo agyanom some a wawo asuogya no oo, se Amorifo a mote won asase so yi anyame oo, na me ne me fi de, yebesom Awurade.*
- *Nnwom 84:10 Na wo fi dakorodi ye sen nna apem. Mepeme Nyankopon fi nammonnampan mu tra mmom sen se metra abonefo ntamadan mu.*
- *Yesaia 30:9 Na woye atuataew man, mma atorofo, mma a wampe se wotie Awurade mmara.*
- *Yesaia 30:15 Na se Awurade, Israel kronkonni no se ni: Osanba ne breooye mu na wobegye mo nkwa, kommye ne anidaso mu na mo mmaninye betra, nanso moampene.*
- *Sakaria 1:4b Se asafo Awurade se ni: Monsan mfi mo akwanmmone ne mo nsennii bone no so, nanso wante, na me nso, wantie me, Awurade asem ni.*
- *Mateo 22:3 Otoo nsa free nnipa pii. Bere no dui no, osomaa n'asomfo se wankofrefre nnipa no na wammra. Nanso nnipa no amma.*
- *Mateo 23:37b mpen ahe na anka mepere se meboaboa wo mma ano, senea akokobean boaboa ne mma ano ne ntaban ase, nanso moampe!*
- *Yohane 1:11 Obaa n'ankasa ne man mu, nanso ne manfo annye no anto mu.*
- *Yohane 5:40 Eyi nyinaa akyi no, mampe se moba me nkyen na moanya nkwa!*
- *Romafo 6:17 Nanso yeda Onyankopon ase! Efise, bere ebi a atwam no, na moye bone nkoa na mode mo koma nyinaa tie nokware a ewo nkyerekyere a wokyerekyere mo no mu.*
- *Asomafo 7:51 "Mo asodenfo, mo a mo koma apirim na muntie Onyankopon asem. Mote se mo agyanom perepere. Mo nso daa musiw Honhom Kronkron no ho kwan.*
- *Hebrifo 3:7,8a Enti Honhom Kronkron no ka se, "Se nne mote Onyankopon nne a, monnye asoden te se nea moyee bere a mosore tiaa Onyankopon no*
- *Adeyisem 22:17b Na nea osukom de no no mmra; na nea ope no nso ommegye nkwa nsu no kwa.*



## Nanso da biara da mete asem foforo. Ebeye den na mahunu deɛ eye nokware no?

---

Nsem a Onyankopɔn aka wɔ twere no mu no ho hia paa yie kyen nsem biara a nnipa de wɔn ano aka na afei mpo wɔsusuo. Onyankopɔn asem biara ye nokware (Yohane 8:31, 32 ne Yohane 17:17). Hwehwe nea twere no ka na w'ahunu nea eye nokware, na mmom mma wo were mfi se wo behunu nea twere no ka ptee na obi annaadaa wo.

- *Yesaia 43:18, 19 Monnkae kan nsem, na munnwen atetede. Hwe mereye ade foforo bi, afei na erififi, so munhu? Mɛbɔ sare so kwan, mema nsubɔnten aba anhwea pradada so.*
- *Yesaia 43:27b na wo kasamafo afomfom me*
- *Yohane 5:39 "Musua Kyerewsem no efise, mugye di se eno na ebema mo anya nkwa a enni awiei. Nanso saa Kyerewsem koro no ara di me ho adanse!"*
- *Asomafoɔ no nnwuma 5:29 Petro ne asomafo a wɔka ne ho no buaa wɔn se, "Ese se yetie Onyankopɔn na enye nnipa"*
- *Asomafoɔ no nnwuma 17:11 Na nnipa a wɔwɔ ho no nye akyinnyegyefo te se Tesalonikafo no. Wɔde ahosepew gyee asem no dii a daa na wosua Kyerewsem no pe se wuhu se kyerekyere a Paulo kyerekyere no ye nokware anaa.*
- *Romafoɔ 12:2b na mmom momma Onyankopɔn nsakra mo adwene wɔ mo mu na moanya adwene foforo, na enam so ama moahu Onyankopɔn apede, nea eye, nea esɔ n'ani, ne nea ewie pɛye*
- *Romafoɔ 15:4 Biribiara a wɔakyerew wɔ Kyerewsem no mu no, wɔakyerew de kyerekyere yen senea ebeye a yenam boasetɔ, nkuranhye a Kyerewsem no de ma yen no so benya anidaso*
- *Galatifoɔ 3:1 Mo Galatifo adwenemharefo! Hena na ɔdan mo adwene saa? Mo ara mo anim na wɔkyerekyereɛ bɔ a wɔbɔɔ Yesu asennuam no kyereɛ mo.*
- *1Tesalonikafoɔ 5:21 Monsɔ biribiara nhwe; momfa nea eye*
- *2 Timoteo 3:16 Kyerewsem nyinaa fi Onyankopɔn adwenemhye so na eye ma nokwarekyere, bɔne ho animka, mfomso soteɛ, na ekyerɛ asetena pa ho akwan*
- *1 Yohane 4:1a Me nuanom adɔfo, munnnye wɔn a wɔka se wɔwɔ Honhom no nyinaa nni. Mmom monsɔ nhwe nhu se honhom a wɔwɔ no fi Onyankopɔn anaa.*
- *1 Yohane 5:9-12 Yegyɛ adanse a nnipa di no di; adanse a Onyankopɔn di no mu ye den yiye. Na saa adanse no na Onyankopɔn adi afa ne Ba no ho no. Enti obi a ogye Onyankopɔn Ba no di no wɔ saa adanse yi wɔ ne koma mu. Na obi a onnye Onyankopɔn nni no ama Onyankopɔn aye ɔtorofo, efise, wannye adanse a Onyankopɔn di faa ne Ba no ho no anni. Eyi ne adanse no: Onyankopɔn ama yen nkwa a enni awiei; na saa nkwa no wɔ ne Ba no mu. Obiara a ɔwɔ ɔba no wɔ saa nkwa no na obiara a onni ɔba no nni nkwa no.*

## Twere kronkron no se sen?

---

### Yesu ne ɔkwan no, nokware ne nkwa

- *Yohane 14:6 Yesu buae se, "Mene kwan no, ne nokware no, ne nkwa no; obi ntumi nkɔ Agya no hɔ gye se ɔfa me so."*

Yesu Kristo afɔdeɛ a ɔde ne nkwa bɛe no asennua no so nkotoo so na ebetumi apata atwe yen afam Onyankopɔn ho. Yen Awurade Yesu Kristo nam ne wuo so bɔɔ kwan too hɔ maa yen tumi kɔɔ Onyankopɔn nkyen (1 Petro 3:18a). Na enam saa afɔreɛ a Yesu bɛe no nti, ama y'anya akwanya se ye benya bɛnefafiri ne daa nkwa.

### Onyankopɔn ye ɔɔɔ, na ɔpe se ɔgye wo nso nkwa

- *Yohane 3:16 Na senea Onyankopɔn dɔɔ wiase ni, se ɔde ne Ba a ɔwoo no koro no mae, na obiara a ogye no di no anyera na wanya nkwa a enni awiei.*
- *Romafoɔ 5:8 Nanso Onyankopɔn akyere yen ɔɔɔ a ɔde dɔ yen; bere a yeda so ye nnebɔneyeɛfo no na Kristo wu maa yen.*
- *Efesofɔɔ 2:4, 5a Nanso Onyankopɔn ahummɔbɔ ne ne dɔ a ɔɔɔ yen no so 5 efise, yen asoɔden nti, yewuwuu wɔ honhom mu no*
- *1 Yohane 4:8 Obi a onni ɔɔɔ no nnim Onyankopɔn efise, Onyankopɔn ye ɔɔɔ.*
- *1 Yohane 4:9 ɔkwan a Onyankopɔn nam so da ne dɔ adi kyere yen ne no. ɔsoma ne Ba koro no baa wiase, senea yebefa ne so anya nkwa.*
- *1 Yohane 4:10 Saa na ɔɔɔ te. Enkyere se yedɔ Onyankopɔn na mmom ɔno na ɔɔɔ yen nti na ɔsoma ne Ba se yemfa ne so na wɔde yen bɔne akye yen.*
- *1 Yohane 4:16 Na yen ankasa nim na yegye Onyankopɔn dɔ a ɔde dɔ yen no di. Onyankopɔn ye ɔɔɔ na obiara a ɔte ɔɔɔ mu no te Onyankopɔn mu na Onyankopɔn nso te ne mu.*

### Nnipa mu nyinyimu ne animhwɛ nni Nyankopɔn afam

Twere kronkron no nkyereɛ yen dabiaraɔ se Nyankopɔn hyeda yi nnipa bi to hɔ ma wɔn nkwayeeɛ, ena wɔn a aka no deɛ wɔmma wɔn saa akwanya no bi. ɔnnɔ bi ntan bi. Na mmom Nyankopɔn tane bɔnesu, ena ne titiri twe a ɛretwe nnipa afiri Nyankopɔn ho no. Bɔnesu a ɛte nnipa mu nyinaa akyi no, Nyankopɔn rehwehwɛ se nnipa bɛpa ne bɔne akyi, na w'anya adwensakyera (Hesekiel 33:11, 2 Petro 3:9). ɔde ne dɔba koro no mae de gyee wiase nyinaa nkwa (Yohane 3:16). Enam Yesu Kristo wuo a ɔwui no nti, seisei obiara a ɔbɛpae mu aka se Yesu nkotoo ne Awurade no, ɔbɛgye no nkwa.

- *2 Beresosɛm 19:7b Monhwɛ mo ho yiye na monye, efise Awurade yen Nyankopɔn no, nkontompo ne animhwɛ ne mmoaagye nni ne fam.*

- Asomafoɔ no nnwuma 15: 8,9 Senea Onyankopɔn a onim koma mu no nam Honhom Kronkron a ɔma ebaa yen so no so gyee yen toom no, saa ara na ɔnam Honhom Kronkron no ara so agye Amanamanmufo nso atom. Onyankopɔn anyɛ nyiyimu; ɔnam gyidi so tew wɔn koma mu.
- Romafoɔ 2:11 Onyankopɔn nyɛ nyiyimu na ɔnyɛ animhwɛ nso wɔ n'atammu mu.
- Romafoɔ 3:22 Onyankopɔn nam ogye a nnipa gye Yesu Kristo di no so ma wɔye atreneefo. Onyankopɔn ye eyi ma wɔn a wogye no di nyinaa, efise, nsonoe biara nni mu koraa.
- Romafoɔ 10:12,13 Saa asem yi fa obiara ho, efise, nsonsonoe biara nni Yudani ne Amanamanmuni ntam. Onyankopɔn ye Awurade koro ma nnipa nyinaa na ohyira wɔn a wɔfrɛ no nyinaa, senea Kyerɛwsem no ka se, "Obiara a ɔbɔ Awurade din no, wobegye no nkwa" no.

## **Nyankopɔn ma wɔn a ɔhwɛhwɛ n'akyiri akwan nyinaa akatua bi.**

- Hebrifoɔ 11:6b Eɛ se obiara a ɔba Onyankopɔn nkyen no nya gyidi se Onyankopɔn te ase na ɔdom wɔn a wɔhwɛhwɛ no.

Nyankopɔn ye wɔn a ɔhwɛhwɛ n'akyiri akwan no katuafoɔ (ɛnye ɛmu bi, na mmom wɔn nyinaa). Eno nti bɔ mmɔden hwɛhwɛ n'akyiri akwan, fa akokoɔduro twe ben no, na ɔno nso betwe apini wo bi.

- Deuteronomium 4:29 Na ɛhɔ nso mɔɛhwɛhwɛ Awurade wo Nyankopɔn, na se wode wo koma nyinaa ne wo kra nyinaa hwɛhwɛ n'akyi kwan a, wubehu no.
- 1 Beresosem 28:9b Se wohwɛhwɛ no a, ɔbɛma woaho nu.
- 2 Beresosem 15:4 Na wɔn ahohia mu, wɔsan baa Awurade Israel Nyankopɔn nkyen bɛhwɛhwɛ no no, ɔma wohuu no.
- Esra 8:22b Nyankopɔn no nsa wɔ wɔn a wɔhwɛhwɛ no nyinaa so ma papa, na ne tumi ne n'abufuw wɔ wɔn a wogyaw no nyinaa so.
- Nnwom 69:32b mo a mɔhwɛhwɛ Onyankopɔn akyi kwan, mo koma nnya nkwa.
- Nnwom 119:2 Nhyira ne wɔn a wɔhwɛ n'adansesem so, na wɔde wɔn koma nyinaa di akyiri
- Yesaia 45:19b manka mankyere Jakob asefo se: Monhwɛhwɛ me kwa!
- Yeremia 29:13,14a na mɔɛhwɛhwɛ me ahu me, efise mode mo koma nyinaa bɛhwɛhwɛ m'akyi kwan. Na mɛma moahu me, Awurade asem ni.
- Kwadwom 3:25 Awurade ye ma wɔn a wɔhwɛ no kwan, ma ɔkra a ɔhwɛhwɛ n'akyi kwan no.
- Amos 5:6a Monhwɛhwɛ Awurade akyi kwan na munnya nkwa
- Mateo 7:7,8 Mummisa, na wɔbɛma mo; monhwɛhwɛ, na mubehu; mompem, na wobebue mo. Na obiara a obisa no, onya. Obiara a ɔhwɛhwɛ no, ohu; na nea ɔpem no, wobue no.

## **Nyankopɔn hwɛ sɛ aɛm biara a w'aka afa wo ho wɔ twerɛ no mu no bɛba mu ama wo**

- *Numeri 23:19 Onyankopɔn nye onipa, na wadi atoro, anaa onipa ba, na wanu ne ho. So ɔno de, ɔbɛka aɛm bi na ɔrenye, anaase ɔbɛkasa na ɔremma entim?*
- *2 Korintofoɔ 1:20 na ɔno na ɔye "Yiw" ma Onyankopɔn bɔhyɛ nyinaa. Eyi nti na enam Yesu Kristo so nti yɛka yɛn "Amen" de hyɛ Onyankopɔn anuonyam no.*
- *1 Tesalonikafoɔ 5:24 Ɔnokwafo ne nea ɔfrɛɛ mo no, ɔno nso na ɔbeyɛ.*
- *Hebrifoɔ 10:23 Momma yennyina gyidi a yeaso mu no mu dennɛn, efisɛ, yɛde yɛn ho to Onyankopɔn so sɛ ɔrenni yɛn hwammɔ.*

Wo nso wobɛtumi de wo werɛ nyinaa ato Onyame bɔhyɛ so, na ɛbɛba mu ama wo.

## **Yesu refrɛ wo sɛ bra ne nkyɛn seisei ara**

- *Mateo 11:28 Mo a moayɛ adwuma abre na wɔaso mo nnosoa nyinaa, mommra me nkyɛn, na mɛma mo ahome.*

Wo bɛtumi de w'amanneɛ bebrebe no nyinaa aba Awurade Yesu nkyɛn, wo haw no nyinaa, wo bɔne nnesua, ne afei mpo nneɛma a ɛkyere w'adwene wɔ abrabɔ no mu. Awurade Yesu ahyɛ wo bɔ sɛ ɔbɛma wo ahomee (ama wo kra, wɔ honhom mu ne wo nipadua). Wo bɛtumi de nsapan aba Yesu nkyɛn. Nfahoo ne sɛdeɛ wo tee biara, wobɛtumi aba Yesu nkyɛn nne (nanso worenkɔ no nsapan da).

## **Sɛ wode akomanteɛ ba Nyankopɔn nkyɛn a, ɔremmu wo fɔ, nanso ɔrennpa wo**

Yɛn Awurade Yesu Kristo suaa yɛn bɔne ho asotwee nyinaa, na yɛn amumuyɔ ne yɛn mmratɔ nti ɔkum no (Yesaia 53:5, 2 Korintofoɔ 5:15, 19, 21 ne 1 Yohane 2:1b, 2). Ne saa nti Onyankopɔn mpaa wo, nanso ɔmmmu wo fɔ nso. Sɛ wo bɛnya nnuhoo mmapa wɔ w'akoma mu, ahwehwe adwensakyera, na w'asrɛ bɔnefakyɛ, na afei wo de w'akoma nyinaa agye adi sɛ yɛn Awurade Yesu Kristo bɛwu maa wo bɔne a. Na ɛno akɔyiri no ɔbɛma w'ayɛ ɔteneneeni wɔ ne ba Kristo mu.

- *2 Beresosɛm 30:9b na ɔdomfoɔ ne mmɔborohunufɔ ne Awurade mo Nyankopɔn, na sɛ mosan ba ne nkyɛn a, ɔrenyi n'ani mfi mo so.*
- *Yohane 3:17 Onyankopɔn ansoma ne Ba amma wiase sɛ ommebu wiase aten, na mmom ɔsoma no sɛ, ommeɛgye wiase nkwa.*
- *Yohane 3:18a Obiara a ogye Ɔba no di no, wɔremmu no aten.*
- *Yohane 6:37b na obiara a ɔbɛba me nkyɛn nso no, merempam no.*

## **Se yeka yen bɔne a, Onyankopɔn de ne nyinaa kye yen koraa**

*Nnwom 32:5 Mekaa me bɔne mekyere wo, na mankora m'amumɔye so. Mekae se: Meka me mmarato makyerɛ Awurade. Na wo na wuyii me bɔne so mmusu.*

- *Nnwom 86:5 Na wo, Awurade, wuye, na wode firi, na w'adɔe dɔɔso ma wɔn a wɔ a wɔfrɛ wo nyinaa.*
- *Mmebusɛm 28:13 Nea ɔkata ne mmarato so no, ɔrenkyɛ ade, na nea ɔka na ogyae no, wobehu no mmɔɔ.*
- *Yesaia 1:18 Mommra mma yenni ɛ, Awurade na ose; se mo bɔne te se dammaramma a, ebɛhoɔ se sukyerɛma, se ebere se nkranhoma a, ebeye se oguan nhwi.*
- *Yesaia 44:22 Mapopa wo mmarato se omununkum, ne wo bɔne se suwusiw. San bra me nkyen, na magye wo.*
- *1 Yohane 1:9 Se yeka yen bɔne kyere Onyankopɔn a, ɔye ɔnokwafo ne ɔtreneeni se ɔde yen bɔne bekye yen, na watew yen ho afi nea enteɛ nyinaa ho.*

Onyankopɔn rehwehwe se yen nso yede wɔn a afom yen nso mfomsoɔ bekye wɔn (Mateo 6:14, 15).

## **Onyankopɔn nni adwenebɔne biara fa wo ho, na mmom asomdweɛ deɛ**

- *Yeremia 29:11-13 Na me de, minim adwene ko a meredwen mo ho, Awurade asem ni, aomdwoe adwene, na enyɛ bɔne de, se merema mo awiei pa ne anidaso. Na mobɛfrɛ me, na moakɔ akɔɔ me mpae, na matie mo; na mobehwehwe me ahɔ me, efise mode mo koma nyinaa behwehwe m'akyi kwan.*

## **Deɛ ɔnya Kristo mu gyedie no ɔno ne deɛ yɛfrɛ no se, oyi deɛ “w'ayi no”**

- *Efesofɔɔ 1:4,5 Ansa na wɔrebɔ wiase no, na Onyankopɔn ayi yen dedaw se yemmeye ne de wɔ Kristo mu sɛnea ebeye a yebeye kronn na yeaye pe wɔ n'anim a mfomso biara nni yen ho. Onyankopɔn dɔ a ɔde dɔ yen no nti, 5 na waye n'adwene dedaw se ɔnam Yesu Kristo so beka yen abata ne ho se ne mma. Eyi ne Onyankopɔn pe ne ne botae.*

Deɛ Onyankopɔn ankasa ayi no no ne Kristo (Yesaia 42:1, Mateo 12:18 ne 1 Petro 2:4,6). ɔno na Nyankopɔn hyɛda yii no sii hɔ ansa mpo na ɔrebɔ wiase, se ɔnam ne so regye adasama nyinaa nkwa (2 Timoteo 1:9). Na deɛ ɔgye no di no ne Kristo bom di adeɛ (afei saa onipa korɔ no abeye **obia w'yi no**). Na afei saa onipa korɔ no abeye obi a w'ayi no ewɔ Kristo mu.

## **Wabɔɔ ɔbonsamgyam maa ɔbonsam ne n'abɔfoɔ, na mmom nnye onipa ntira**

- *Mateo 25:41 Afei, median m'ani akyere won a wogyina me benkum so no aka akyere won se, 'Mo a wɔadome mo, wɔmfɔ mo nkogu ogyatanaa a, ennum da a, wɔasɔ ama ɔbonsam ne n'ahokafo no mu.*

Twere a ewɔ Mateo asempa ho no ma no daa adi pefee, se ɔɔɔ ogyam maa ɔbonsam ne n'abɔfoɔ. Twere Kronkron no nkaa no dabiara se mfitiasee no ɔɔɔ ogyam maa onipa. Twere Kronkron no di adanse pefee se anka Nyankopɔn pe ne se onipa biara benya nkwagyee. Nanso yei nso nkyere se nnipa nyinaa benya nkwagyee. Yewɔ nnipa bebree a ɔbeko ogyam, efiri se won ankasa asoɔden ne won annyeannie na esi won nkwagyee ho kwan (Marko 16:16 ne Hebrifoɔ 3:18, 19).

## **Onyankopɔn mpe se onipa biara beyera, na mmom se won nyinaa benya nkwagyee**

- *Hesekiel 33:11 Ka kyere won se: Se mete ase yi, Awurade Nyankopɔn asem ni, ampa ara, ɔɔnefo wu nyɛ me fe, na mmom se ɔɔnefo besan a fi ne kwan so na wanya nkwa. Mɔnsan, mɔnsan mfi mo akwammɔne so! Eden nti na morewuwu yi, Israel fi?*
- *1 Timoteo 2:3b, 4: Onyankopɔn a ɔye Agyenkwa a, ɔpe se wogyee nnipa nyinaa nkwa na wohu nokware no ani.*
- *2 Petro 3:9 Awurade ntwentwen ne nan ase wo ne bo a wahye ho senea ebinom dwen no. Mmom, ɔwo mo ho boasetɔ efise, ɔmpe se wɔbesee obiara na mmom ɔpe se obiara sesa fi ne boɔne ho.*

Yesre se nka wo wo mpaebɔ mu no, wode Bible no mu nsem a ewɔ soro ho yi ne Onyame bedi nkɔmmɔ.

Twere a ewɔ soro ho yi nyinaa Kyere yen se Nyankopɔn mpe se obiara beyera na mmom wo n nyinaa benya nkwa.

## **Dee ɔgye yen Awurade Yesu Kristo di biara no wo daa nkwa**

Wogyee di se yen Awurade Yesu Kristo wu maa wo nso wo boɔne wo asennua no so anaa? Wode wo were nyinaa ahye ne mu anaa? enee wo benya daa nkwa.

Se wobeye ɔyeraba a, na nnye yi a Nyankopɔn nyii wo ntira, na mmom gyea wonnyee Awurade Yesu Kristo nnie ntira.

Saa Twere Kronkron mu nsemfua yi a edidisoo yi, di adanseε pefee se nnipa binom “annyeannie” nti obeyera na obeko daa ose ne amanehunu mu.

- Marko 16:16 Na obiara a ogye di ma wɔɔ no asu no, wobegye no nkwa. Na obiara a onnye nni no, wobebu no fo.
- Yohane 1:12 Na dodow a wogyee no no, wɔn a wogyee ne din di no, ɔmaa wɔn tumi se wɔnye Onyankopɔn mma.
- Yohane 3:16 Na senea Onyankopɔn do wiase ni, se ɔde ne ba a ɔwoo no koro no mae, na obiara a ogye no di no anyera, na wanya daa nkwa.
- Yohane 3:18: Obiara a ogye ɔba no di no, wɔremmu no aten; na nea onnye no nni no, wɔabu no aten dedaw, efise, wannye Onyankopɔn Ba koro no anni.
- Yohane 3:36 Nea ogye ɔba no di no benya nkwa a ensa da, na nea onnye no nni no, rennya nkwa a ensa da na mmom Onyankopɔn asotwe da ne so.
- Yohane 5:24 Mereka nokware akyerε mo se: Obiara a otie me nsem na ogyee nea ɔsoma me no di no, wo nkwa a enni awiei. Wɔremmu no aten, efise, wafi owu mu aba nkwa mu.
- Yohane 6:40a M'agya apede ne se, obiara a ɔba me nkyen na ogyee me di no benya nkwa a enni awiei
- Yohane 6:47 Mereka nokwasem akyerε mo se, obiara a ogyee me di no, nya nkwa a enni awiei.
- Yohane 11:25, 26 Yesu ka kyerεε no se, “Me na minyan awufo ma wɔn nkwa. Obiara a ogyee me di no, se wawu mpo a, ɔbesan anya nkwa. Na obiara a ɔte ase na ogyee me di no, renwu da. Wugye eyi di anaa?”
- Asomafoɔ no nnwuma 16:31 Wobuae se, “Gye Awurade Yesu di na obegye wo ne wo fifo nyinaa nkwa.”
- Romafoɔ 10:9-11 Se wopae mu ka se, “Yesu ne Awurade”, na wugye di se Onyankopɔn na onyaneε no fii awufo mu a, wobegye wo nkwa. Na yenam koma so gye di na wɔabu yen bem wo Onyankopɔn anim, na ye de yen ano pae mu ka na yeanya nkwaye. Na Kyerewsem no ka se, Obiara a ogyee no di no anim rengu ase.

## So asempa no wɔ hɔ ma nnipa nyinaa anaa?

---

Asempa no asekyere ne se; asem a eye papa, anaa anigyesem. Se Asempa no ba maa nnipakuo kumaa bi a w'ayi won asi hɔ a, enee na yerenntumi nfre no anigyesem bio. Nanso Asempa a etwa se wɔka no amanaman nyinaa mu ma nnipa biara nso te bi no (Marko 16:15), ye afodee a Yesu Kristo de ne ho bɔe wɔ asennua no so, na yei na onam so de regye obiara a obegye no adi no nkwa. Oyi daa adi pefee ma yehunu se Nyankopɔn akyedee a ene dee yefre no se "adom" no ye ayemye soronko a edi mu paa yie. Saa akyedee yi a ene "adom" (anaase Yesu Kristo no) wɔ hɔ ma nnipa biara, onyii obiara nfirii mu, nanso onnyi obiara nfiri mu nso.

- *Yohane 3:16 Na senea Onyankopɔn dɔ wiase ni, se ɔde ne ba a ɔwoo no koro no mae, na obiara a ogye no di no anyera, na wanya daa nkwa.*
- *Yohane 6:40 M'agya apede ne se, obiara a ɔba me nkyen na ogye me di no benya nkwa a enni awiei na da a edi akhiri no, manyan no ama no nkwa foforo.*
- *Yohane 6:47 Mereka nokwasem akyere mo se, obiara a ogye me di no, nya nkwa a enni awiei.*
- *Romafoɔ 1:16 Eye Onyankopɔn tumi se ogye wɔn a wogye no di no nkwa; wɔn a wodi kan no ne Yudafo ene Amanamanmufo no nso.*
- *1 Yohane 2:2 Na Kristo no ankasa ne ɔkwan a yefa so nya yen bɔne fafiri na enye yen bɔne nko, na nnipa nyinaa bɔne.*

## Enee na wei Kyere se nnye nokware se Nyankopɔn nyii ebinom ntoo hɔ dada anaa?

---

Se onyii ebinom ntoo hɔ a, enee na obiara nni hɔ a obegye no nkwa nso. Onipa biara nni hɔ a ɔno ara ankasa betumi ayi ne ho. Nanso enam se Nyankopɔn ankasa ahyehye ato hɔ dada se ɔbe gye nnipa biara a ɔbe ba ne nkye n nti no, onsi obiara kwan, na mmom ogye onipa biara a ɔba ne nkyen, na ebepem seisei de rekɔsi daakye no, ɔgu so ara regye obiara a ɔba ne nkyen biara. Se yeka se Nyankopɔn ayi ebinom ato hɔ dada a na eno nkyere se ɔrefre ebinom aba ne nkyen, na afei ebinom dee Onyankopɔn no ara resi won kwan. etese dee wɔgyina pono bi a w'atwere akhiri se "**mommra me nkyen...**" Se wonya wura edan no mu pe a, wɔbehunu se w'atwere no wɔ pono no akiri se, "**m'ayi wo nso bi!**". Alleluyah!

Se yeka se w'ayi obi ato hɔ a, na nkyere se saa nipa korɔ no se ɔtena ase na wɔansakyera n'dwene, anfa Yesu Kristo se ne kra agyenkwa a, ɔbenya nkwayee. Daabida! Sé w'ayi obi ato hɔ no nnye nkwanhya, na mmom eye nhunumu, awerekyekyerɛ mu fapem, nkuranhye ne ɔgyedini biara ahotɔsoɔ. Afei, mma no nso hɔ ara nka se "ao medee seisei m'awie, efiri se meka won a w'ayi won no ho bi" na mmom bɔ mmɔden ara na fa wo ho ka won a w'ayi won no ho kɔsi awiee koraa.



## Saa asemfua yi aseɛ ne sɛn: “medɔɔ Jakob, na metanee Esau”?

---

- *Romafoɔ 9:13 Senea Kyerɛwsem no ka se, “Medɔɔ Jakob na metan Esau” no.*

Adeɛ pɔtee a twerɛ yi rekasa afa ho ne, Nyankopɔn dɔ a ɔwɔ de mma Jakob (Israel). Nyankopɔn yii Jakob sii ho sɛ Israelfoɔ nyinaa agya. Ɛwom sɛ Esau na nā ɔye ɔpanin deɛ, nanso wɔ Nyankopɔn afa mu no Jakob na ɔyii no kanee. Enkyere sɛ na Nyankopɔn tane Esau na mmom ɔyii Jakob kane ansa na ɔreyi Esau. Wo bɛhunu saa asem yi nsesoɔ wɔ Luka 14:26, mmere a Yesu na ɔreka sɛ sé obi pɛ sɛ ɔba ne nkyɛn a gye sɛ ɔtane ne ho ne n’abusua ansa. Nokwasɛm a ɛwom ne sɛ, sɛ Yesu ka sɛ, gye sɛ saa onipa koro tane ne ho a, na ɔrekyere sɛ saa nipa koro no mma Nyankopɔn nye kanee wɔ biribiara a ɔbɛye n’abrabo mu, na mmom nnye sɛ ɔmfa tuo anaa sekan ntwitwa ne ho. Daabida.

- *Malaki 1:2b,3a Nanso medɔɔ Jakob, na metan Esau.*

Sɛ wo kan twerɛ no yie a, wo bɛhunu sɛ mfirmhyia apem ne ahanan (1,400)! Sɛ wokan Malaki nnwoma no a, Nyankopɔn ɛtwaa n’ani bɛhwɛ amumuyɔdeɛ a Esau ne n’asefoɔ no yɔɛ a, na agyae Onyame abufuo paa yie. Oyi kyere sɛ na Onyankopɔn nim esu a na ɛkuta Esau ne n’asefoɔ no, nti ɔyii Jakob kanee, na ɔkaa sɛ ɔtanee Esau no.

Saa nkyerɛmu a ɛfa Esau ne Jakob ho no nso nkyere sɛ na Nyankopɔn ahyehye ato ho dada sɛ sé ɛye den ara ɔrennye Esau, na mmom ɔhunu no wɔ akwirikyiri sɛ Esau bɛpo no. Nanso yei nyinaa akwiri no, Onyame kɔɔso ara bɔɔ Esau akoma pono mu ara, nso w’ammue n’akoma pono amma Awurade.

## Sɛ ɔka sɛ “deɛ ɔpɛ na ɔhu no mmɔboroɔ, na afei deɛ ɔpɛ na ɔma n’akoma ye den a, na aseɛ ne sɛn” ?

---

- *Romafoɔ 9:18 Eyi kyere sɛ, Onyankopɔn hu nea ɔpɛ sɛ ohu no mmɔboɔ biara no mmɔboɔ, na nea ɔpɛ sɛ ɔye den wɔ ne so no nso, ɔye saa.*

Saa asemfua yi ɛfa Misraim hene Farao ho. Deɛ ɛdi kan koraa no, ɛye Farao na ɔpirim n’akoma; wɔ mpere nnum so ɔpirim n’akoma sɛ ɔremma Nyankopɔn nkurofoɔ nnya wɔn fahodie. Na ɔno akwiri no Nyankopɔn hunuu sɛ Farao mpe sɛ ɔma ne ho kwan no, ɔno ara nso pirim Farao akoma; mmere a ɔno (Nyankopɔn) nso yɛɛ n’adwene sɛ ɔbɛfa kwan biara so agye Israelfoɔ afiri Farao nsem no (Exodus 9:12). Na Nyankopɔn nim dada sɛ sé ɔyi ne ho adi kyere Farao sɛ ɔmma ne nkurofoɔ fahodie a, Farao ntie, nanso ɔmaa no akwanya mpere pii (sɛdeɛ ɔde ma onipa biara no), sɛ ɛbia, nka ɛbɛsesa n’adwene anaa. Nanso nfa ho ne akwanya ahodoɔ a ɔde maa no no, ɔkɔɔso ara pirim n’akoma. Mpere bebree no sɛ onipa bi rebɛhwe asea ɛye a na ɛnam n’ahomasoɔ ne n’akomapirimu so na ɛba. Bio, afei sé Nyankopɔn nso pirim Farao akoma no, nkyere sɛ na ɛye den ara a ɔrennya nkwa. Daabi.

## Nanso twere no nkaa se kakraa bi na w'ayi won anaa?

---

- *Mateo 22:14 Wofre bebre, nanso kakraa bi na w'ayi won.*

Efa a edi kan wo saa chene no ba ayeforhya kasabebu yi mu no (Mateo 22:1-7) kasa fa Yudafo ho. Yen Awurade Yesu Kristo too ne nsa free oman no nyinaa se wommedi n'akyi, nanso wampe nso se waba. Yei akyi no, chene no soma maa ne nkoa kofrefre afoforo pii maa wabaa ayeforhya no ase (Mateo 22:8-13). Asee ne se Yesu ato ne nsa afre amanaman mufoo nyinaa nso. Yesu wuo no abo nkwayee kwan amma wiase nyinaa. Meka no bio se wei nso nkyere se onipa biara benya nkwa (w'abue nkwayee pono ama onipa biara dee, nanso dee obema ne ho kwan no na obema no nkwa). Na afei, Nyankopon nhyehye a ode ato ho ne se, nka onipa biara behye Yesu Kristo se atadee. Onipa no a na chye ayeforhya atadee wo ayeforhya n'ase no gyina ho ma onipa a chye Yesu tumi ase. Na saa onipa no dwene se obetumi ako ayeforhya n'ase wo abere a chye saa ayeforhya atadee no bi, nanso opamoo no firi ase.

Saa asemfua a eka se "kakra bi na w'ayi won" no nkyere se chene no hyeda yiyi nnipa kakra bi wo ayeforhya n'ase; na mmom, otoo ne nsa free nnipa dom bebre. Nanso won mu dodo a otoo ne nsa free won no ampe se wokoro, na won mu bi nso a woko no mpo nso anni ayeforhya nhyehye no so. Won a wabaa ayeforhya no a na chye ayeforhya atadee no na ofree won se "won a w'ayi won" no wo saa kasabebu yi mu. Se wode nnipa a na wchye ayeforhya atadee no dodo toto won a na wonnhye bie no ho a, wobehunu se woye kumaa bi koraa. Nanso saa nnipa yi a yebu won se kumaa no mpo no ye dom a yentumi nkan mpo.

## Nanso se wanfa anfri soro amma wo a, wobetumi anya nkwayee anaa?

---

- *Yohane 3:27 Yohane buae se, "Obi rentumi nni dwuma a ete see gye se Onyame ka ne ho". Ha dee, na Yohane reka ne som adwuma a Nyankopon free no baa wiase se omme ye no ho asem. Na orea se Nyankopon de dwumasoo bi ahye ne nsa se ommedi no asase yi so. Saa twere yi a ye kane no wo Yohane yi nfa nkwayee ho asem ho koraa, na mmom Yohane dwumadie ho.*

Ewom se ansa na obi betumi anya nkwaye no gye se Nyankopon ama n'adom no aso ne so ansa. Ne saa nti se obi repe nkwayee a, opene so de anigye gye saa akyede a Nyankopon de rema no no. Nyankopon de ne daba no mae se onam ne so repata wo bone nyinaa, na afei, se wo sakyera w'adwene na wogyedi se Yesu ne Awurade a, woanya daa nkwa ama wo kraa. Etwa se wode aseda mma no wo akyede a ode akye wo kwa yi no ho. Se obi kye wo adee a, etwa se wode anigye gye no wo fe so (gye Yesu Kristo a one akyede no) na fa no ye wo dea koraa (hu no se oye wo dea, wone obi mpere ne ho koraa). Ennee afei mennyae akyede no nto baabi basaa mma obi mmefa, na mmom bue so na fa di dwumadie nti a ode kyee wo no (ene se worema wone Agya no ntam ayonkofa no mu aso twaan, na ama afei koraa dee wogyedi no, w'ahunu ehoo nsunsuanso wo w'abrabo mu).

## W'ayi wo ama ɔsom adwuma

---

Se twere kronkron no kasa fa yie a w'ayi obi atohɔ ho a, abere nyinaa eye a na ɔrekasa fa dwumadie ho anaa ɔsom ho, na mmom nye se ɔreyi obi ato he ama ɔno nko ara nkwayee. Se yede Yuda Iskariot reye nhwesɔ mpo a, wo behunu se ɔyii no se Yesu asomafoɔ no mu baako, nanso wɔannya nkwayee, efiri se wɔpɛe se ɔbeyi Yesu ama mmom kyen se ɔbehwehwe nkwayee akyiri kwan.

Sɛ ɔreyi wo ama dwumadie bi no nkyere se afoforɔ a wɔannyii wɔn mmaa wo dwuma no bie no ho nte, na mmom Nyankopɔn tumi yi obi anaa dɔm bi ma wɔn dwumadie bi ma ɔnam wɔn so ye nhyira ma afoforɔ. Ebio nso, obiara ne dwumadie a Awurade de ahye ne nsa. Wei nkyere se wɔn a wɔnnyii wɔn mfaa dwumadie soronko bi nhyee wɔn nsa no nyinaa ye yeramma, saa nkurofoɔ no beko ɔsee mu, daabida. Nhwesɔ ne Anania (Asomafoɔ no nnwuma 9:10). Wɔannyi no se ɔmeyɛ ɔsempakani, nanso wɔmaa no daa nkwa.

- *Deuteronomium 7:6 Na oman kronkron ne wo ma Awurade wo Nyankopɔn; wo na Awurade wo Nyankopɔn apaw wo se beye ɔman a wafa aye ne de aman a wɔwɔ asase ani nyinaa mu.*
- *Deuteronomium 17:15a fa nea Awurade wo Nyankopɔn beyi no no si wo so hene; wo nuanom mu bi na fa no si woso hene*
- *1 Samuel 2:28a na miyii no Israel mmusuakuw nyinaa mu se ommedi me sɔfo na ɔmmo m'afɔremuka so ɔhyew afɔre na ɔnhyew aduhuam na ɔnhye asɔfotade no m'anim*
- *2 Beresosem 29:11b na mo na Awurade apaw mo se munnyina n'anim nsom no, na monye no asomafo ne aduhuamhyewfo.*
- *Luka 6:13 Ade kyee no, ɔfrɛe n'akyidifo no nyinaa baa ne nkyen na oyii wɔn mu dumien. Saa dumien yi na ɔfrɛe wɔn asomafo.*
- *Yohane 6:70-71 Yesu kɔɔ so kae se, "Me ara na miyii mo dumien yi nanso mo mu baako ye ɔbonsam." 71 Asem a Yesu kae no na efa Yuda a ɔye Simon Iskariot ba no, a ɔye asuafo dumien no mu baako a obeyi Yesu ama no ho.*
- *Yohane 15:16 Enye mo na moyii me; me na miyii mo na memaa mo adwuma se monkɔye na monso aba pa bebree. Na biribiara a mode me din bebisa Agya no no, ɔde bema mo.*
- *Asomafoɔ no nnwuma 9:15 Awurade ka kyerɛ Anania se, "Kɔ! Efise, ɔno na mayi no a menam ne so bema Amanamanmufo ne ahemfo ne Israelfo nyinaa ate me din.*
- *Asomafoɔ no nnwuma 15:7 Wɔdwennwenee ho wiei no, Petro sɔre kasae se, "Me nuanom, munim se bere bi a atwam no, Onyankopɔn yii me fii mo mu se menka Asempa no nkyere Amanamanmufo, senea ebeye na wɔbete Asempa no na wɔagyɛ adi.*
- *1 Petro 2:9 Na mo de, moye nnipa a wɔayi mo, se ɔhene asɔfo, ɔman kronkron, Onyankopɔn ankasa nkurofo a wɔayi mo se monka n'anwonwadwuma no ho asem. ɔno na ɔfrɛe mo fi sum mu baa n'ankasa hann nwonwaso no mu.*

## **Ɛdeɛn na mɛyɛ a wɔbɛbu me nso me bem?**

---

Adom a ɛnam gyedie so ba nkotoo so na Nyankopɔn nam bu yen bem. Ɛnnam bɔne ho nimdeɛ so, anaa sɛ mmra so die so, anaa yen nnwumapa bi so anaa nso sɛ yen ankasa teneneɛ so. Adeɛ a na ɛbetumi ama wo nkwa ara ne Yesu Kristo wuo a na ɛtwa sɛ ɔba bɛwuo no nkotoo. Yɛrentumi nfa biribiara nka ne wuo no ho ansa na w'abu yen bem. Deɛ ohia firi yen nkyɛn sɛ yɛ bɛyɛ na afei ama y'anya bambuo ne sɛ yɛ bɛgye adi sɛ Yesu wuo a owui wɔ asennua no so no, na ama y'anya bɔnefafari. Obi hunu yei sɛ ade ketewa bi, nanso bere koro no ara mu no, ɛbetumi ayɛ den ama obi sɛ ɔregye yen Awurade Yesu Kristo adi, na gye a ɔregye adie no nko ara bɛma n'anya nkwa wɔ abere a ɔno ankasa ahɔɔden nka hoo bie.

- *Yesaia 55:1* *Huu, mo a osukɔm de mo nyinaa, mommra nsu ho, na mo a munnɩ sika no, mommra mmɛtɔ, na m'unnɩ. Mommra mmɛtɔ nsã ne nufusu: ɛnyɛ sika na wɔde tɔ, na ɛnni bon so.*
- *Romafoɔ 3:24* *Nanso esiane Onyankopɔn adom a ɔde kyɛ kwa no nti, ɔnam Yesu Kristo so ama wɔanya n'anim anuonyam nam Kristo Yesu so ade wɔn ho.*
- *Romafoɔ 3:28* *Ne tiaatwa ne sɛ, onipa nam gyidi so na ɔfata Onyankopɔn anim na ɛnye Mmara a odi so no nti.*
- *Romafoɔ 4:5* *Nanso onipa a ɔwɔ gyidi na ɔnye nnwuma, na ogyɛ Onyankopɔn di, bu wɔn a wodi fɔ bem no, ne gyidi na Onyankopɔn gyina so hwe ho ma ɔfata n'anim.*
- *Romafoɔ 6:23* *Bɔne tua ne ho ka a ɛyɛ owu. Na Onyankopɔn akyɛde a ɔde ma kwa no ye nkwa a ɛnni awiei a, ɛnam so ma mo ne Kristo Yesu a ɔyɛ yen Awurade no ye baako no.*
- *Galatifoɔ 2:16* *Yenim sɛ ansa na obi bɛfata Onyankopɔn anim no, na gye sɛ wagye Yesu Kristo adi a ɛnye sɛ ɔbɛyɛ nea Mmara no hwehwe sɛ ɔnye no. Yen nso, yeagyɛ Kristo Yesu adi senea ɛbɛyɛ a yenam ogyɛ a yegyɛ Kristo di no so na ɛnye Mmara no apɛde a yeyɛ so na yenam bɛfata Onyankopɔn anim. Onipa biara nni ho a ɔbɛyɛ nea Mmara no hwehwe sɛ ɔnye na ɔbɛfata Onyankopɔn anim.*
- *Galatifoɔ 3:11* *Afei, akyinnye biara nni ho sɛ Mmara rentumi nka obiara mmata Onyankopɔn ho; efisɛ, Kyerɛwsem no ka se, “Nea wɔnam gyidi so aka no abata Onyankopɔn ho no betena ase.*
- *Efesofɔ 2:8,9* *Onyankopɔn adom nti na monam gyidi mu anya nkwa. Emfi mo ara mo nneyɛ mu na mmom efi Onyankopɔn akyɛde mu. Biribiara a aba no mfi mo nneyɛ mu nti morentumi nhoahoa mo ho.*
- *Filipofɔ 3:7,8b, 9* *Nanso nneɛma a na mɛfa no sɛ ɛyɛ mfaso nyinaa no esiane Kristo nti, ayɛ adehwere. Ne nti matow biribiara akyene. Mɛfa ne nyinaa sɛ nneɛma hunu bi, senea ɛbɛyɛ a me nsa beka Kristo, na wo ne no ayɛ baako. Afei meremfa m'ahɔɔden mpere sɛ mɛyɛ pɛ, pɛyɛ a efi Mmara no mu no. Na mmom mehwehwe pɛyɛ a efi Kristo mu gyidi ne Onyankopɔn mu a gyidi na ɛyɛ ne fapem.*
- *Adeyisem 22:17b* *Na nea osukɔm de no no mmra; na nea ɔpɛ no nso ommegye nkwa nsu no kwa.*

## Ebeye den na manya me nkwayee ho ahotsoo?

---

Nnipa binom retwen se wobanya atenka soronko bi, anaa suahunu bi wo won abrabo mu ansa na w'agye adi na w'ahunu se afei dee w'anya daa nkwa. Nanso w'atenka ntumi nnye wo nkwayee ho susudua a wode susu se woanya nkwa anaa se wonnyaa bi; w'atenka no mpo betumi adaadaa wo. Mmere dodo a wode wo ho reto w'atenka, ne yie a wo firi se onnyii wo no so nyinaa no, na owia ara na Satan de rewia wo. Mpo mmere a wordwene se wode w'aka won a w'ayi won no ho no, w'atenka nkoara betumi abu wo aten de wo ako osee mu; na adwene a etaa ba wo tirim ne se ("nkwayee a me se m'anya yi nnye nnaadaa na meredaadaa me ho anaa?"; "nso me dee eye a menya atenka mpo se meye Nyankopon ba mpo, nti se meye Onyankopon ba o, se menya Onyankopon ba o, medee mennim mpo!"). Wei nyinaa kyere se w'ahwere wo nkwayee ho ahotsoo ne wo nkwayee ho angyee a Onyame de maa wo no. Woda so ara ye, sebi, abofra wo daa nkwa ho nimdee ho.

Mennyina w'atenka so mmu wo ho aten, na mmom fa wo were ne wo gyedi nyinaa hye Nyankopon bhye a erennhinim no mu. Se wo koso ara tena saa gyedie ne ahotsoo yi mua (2 Korintofo 5:7), wo behye asee ahunu nea wogyee die no nso (Yohane 14:21-23).

Yen nkwayee nnyina y'atenka so, yen suahunu anaa dee ye firi se ewo ho, anaase bone anaa papa ho nimdee so; afodee a Yesu Kristo de ne ho bo no asennua no so no ye yen fapem, na afei yen gyedie a yewo ewo ne mu no nkoara ye ahotsoo ma yen nkwayee. Y'ahotsoo a yewo no nfiri yen ara, na mmom dee efiri yen Awurade Yesu Kristo mu.

- *Romafo 8:38a, 39 Miye midi ampa se owu anaa nkwa anaa osoro anaa efam anaa abode foforo biara rentumi ntetew yene Onyankopon do a ewo Kristo Yesu, yen Awurade, mu no mu da.*
- *Kolosefo 2:2 Me botae ne se, wobanya nkuranhye wo won koma mu na w'atena ase do mu senea ebeye a mubanya gyidi a ntease de ba no. Na wobehu Onyankopon a oye Kristo ankasa no.*
- *2 Timoteo 1:12b Nanso meda so wo gyidi, efise, minim nea mede me ho ato no so no na minim nso se obekora nea mede ahye ne nsa no ama da no nso.*
- *Hebrew 10:22a, 23 Momma yemfa koma pa, gyidi a emu ye den no ntwiw mmen Onyankopon. Momma yennyina gyidi a yeaso mu no mu dennen, efise, yede yen ho to Onyankopon so se onneni yen hwamma.*
- *Hebrew 11:1 Gyidi ye ahotsoo a yewo wo nneema a yen ani da so ne nneema a yehu ho adansedi mu.*
- *1 Yohane 5:12,13 Obiara a owo oba no wo saa nkwa no na obiara a onni oba no nni nkwa no. Merekyerew mo eyi senea ebema moahu se mowo nkwa a enni awiej, mo a mugye Onyankopon Ba no din di no.*
- *1 Yohane 5:19a Nanso yenim se yeeye Onyankopon nkurfo.*

## Asem tia bi

---

Ɛbo kusuu no de ahochare so puei. Ɖbarima no a ɔregye n’ani wo bepo no so no antumi anhunu nea ɛwo n’anim biara, ɛbere a ɛsum duruu no no. Ɖpɛɛ sɛ ɔbewo ntwetwede ara sɛ ɛbia ɔbenya kwan bi wo sum kusuu no mu anaa, nanso mpofirim ara ɛpatirii no maa no hwee ase. Ne tiri yɛɛ ye maa mmere a ɔrehwe aseɛ no, ne nsa kɔso ɔbotan bi mu. Sɛ ɔto n’ani a ɔhunu bɔnhwa kɛsɛɛ bi wo n’ase. Ɖbarima yi home rete. Nso sɛ ɔgyae botan no mu a, ɔbehwe bɔnhwa no mu. Ɖbarima yi bɔɔ mmɔden biara, nanso wantumi annya bea bi anfa ne nan ansi, na wɔanya ahomegyeɛ bi. Afei ɛhuu hyɛɛ n’akoma so. Mmere kakra bi akyi no, afei na ɔntumi nso botan no mu bio. Ne nsa a na afei ɛmu agoɔ no yii no mae. Afei ɔde nteamu ne ahometeɛ behwee ɛbunu (bɔnhwa) no mu. Ɖdaso wo bɔnhwa no mu na ɔrebunyambunyam no, adwene a ɛbaa ne tirim ara ne sɛ “afei deɛ m’awie; ɔbre-twa-owuo. Mennye menni sɛ menya nkwa bio”.

Nanso na amena no a ɔda mu no tentene ye basafa mmienu pɛ. Saa mmere yi a na ɔfiri sɛ ɔda bɔnhwa kɛsɛɛ bi mu a na anidasoɔ asa no, sɛɛ na ɔda ɔbotan bi a ɛtim bɔnhwa no ntweasoɔ biako so pɛɛ, a ɛno bɛtumi ama no akwanya ama wɔatumi ade ne ho. Sɛ nka na ɔnim sɛ ɔte saa botan yi so a, nka mmere a na ɔredi abooboo, apenesie, ne afei mpo ɛhuu a na ahyɛ ne soɔ no nyinaa to twae. Anni ahe biara na ɛbo a na ama ɛsum aduru no no nyinaa yeraeɛ, na afei ɔhunu n’anim kwan pue firi bɔnhwa no mu.

Nnipa bebree wo ho a saa mmere yi ɔrehwehwe nkwayeɛ, nanso wɔn ani ayɛ wɔn ntotɔntotɔ. Ɛbia na woka saa nkurofoɔ yi ho bi. Wo nso w’ani ayɛ wo ntotɔntotɔ. Ɛbia na wonnim ɔkwan a wo befa so anya nkwayeɛ. Ɛbia wote nka wo wo mu sɛ woda saa ɛbo yi bi mu, woretwentwen wo nan ase. Wo begyae biribiara mu ama no aka, na afei wo de wo were nyinaa ahyɛ Onyame mu? Afei wogyɛ tum sɛ afɔdeɛ a yen Awurade Yesu Kristo de ne kra bɔɛ wo asennua no so no nkotoo na ɛbɛtumi ama wo nkwa, a wo ankasa wonntumi nfa w’ahɔɔden nnya, anaa sika, anaa mmoa a ɛfiri obi anaa biribi mu? Oyi (Yesu Kristo) nkotoo ne ɔbotan a ɛrennhinhim dabiara, wo sane ne ho a, w’ayera. Nneɛma a ɛresi wo kwan wo wo nkwayeɛ ho, a ɛtwa sɛ wo to bi guo, ye nkyerɛkyereɛ bia w’adikan ate no dada. Nanso ɛne Nyankopɔn asem bɔ abira (ɛbi ne nkyerɛkyereɛ bɔne a ebinom kyerekyereɛ sɛ w’ayi binom ato ho dada, sɛ wɔn na ɔbenya nkwayeɛ, nti nfa ho ne deɛ wo bɛyɛ biara, wo deɛ worenntumi nya nkwayeɛ mma no nye yie da). Ɛbia saa nkyerɛkyereɛ yi abeyɛ akwansideɛ a ɛne wo redi apereapereɛ wo w’adwene mu. Nanso saa nkatanimu a afira w’ani afiri Asempa no ho no, ɛnne ɔbeyi afiri ho koraa (2 Korintofoɔ 3:16). Na afei wo behunu nokware no, na nokware no ama wo ade ho koraa (Yohane 8:32). Deɛ wo hia ara ne sɛ wo begyae adwenedwene no nyinaa mu agu ho, nā afei fa woho bɛdan Yesu Kristo, ɔno ne ɔbotan a ɔwo ho firi tete nteredɛɛ besi nne yi (2 Samuel 22:2,3,47, Nnwom 18:2 ne Nnwom 62:2,7), na afei wo benya nkwa ama wo kra.

Sɛ wo ba Onyankopɔn nkyɛn, na wonu wo ho wo wo bɔne ho, sre bɔne fakye, na afei wo de w’akoma nyinaa gye di, sɛ yen Awurade Yesu Kristo bɛwui wo asennua no so maa me ne wo bɔne, na wode wo ho nyinaa ma Yesu a, ɛnneɛ wo benya daa nkwa ama wo kra. Ɛno ansa na wo bɛtumi aka sɛ, afei deɛ meka wɔn a w’ayi wɔn no ho bi!

Nsem ahodoɔ a yeyi firi Twere Kronkron no mu nyinaa wɔ saa adesua yi mu no, yeyi firi Twere Kronkron kasa nkyereasee a wɔfre no “Akan Twerew Kronkron” mu.

Wobonya nwoma yi mu nsem wɔ Akan kasa, Potɔ kasa ne kasa ahodoɔ beberee mu wɔ, [www.benikweluitverkoren.nl](http://www.benikweluitverkoren.nl) Wobetumi nso enya “**Sɛ W'anyi Mee?**” Mmabunu nwoma wɔ Akan kasa, Potɔ kasa ne kasa ahodoɔ beberee mu wɔ saa ahoma trofoɔ yaa so.

Twere Kronkron adesua yi a y'ato ne din “**sɛ wɔnnyi mee?**” Wɔanfa ɔtane anaa mmeredetoɔ honhom bi na etintim saa adesua yi, na mmom enam ɔdɔ ne abadayɛ kwan so (2 Korintofoɔ 5:14, 20).

Eyɛ yen mpaebɔ sɛ, saa adesua yi beyɛ nhyira ama wo. Amen!

Edin a edidisoɔ yi ye wɔn a wɔ sesaa nwoma yi firi potɔ kasamu baa Akan kasa mu: Dennis Goodenough Oppong, Julius Caesar Andoh en Aaron Nyarkotey, Obed Kwamenah Brew. Adwumakuo “READhouse Africa Network” (RhAN) na ɔhyɛe saa nnipa yi.

